

vnd ein par außersesener Zug Ochsen vor Gerichte / zeigte solche den Richtern vnd Volcke vnd sprach : Sehet das ist mein Zauberwerck vnd mein Hexengetreibe / damit ich / nechst Gott / so leichtlich dz getreide auff meinen acker bringe. Vnd ist mir leid / das ich nicht gleicher gestalt herfürbringen vnd euch zeigen kan / meine vielfeltige sorge / mühe vnd arbeit / so ich langezeit bey meinem Ackerbau angewand / vnd noch täglich anwende meinen Acker zu bessern / vnd fruchtbar zu machen. Auff dieses sein vorbringen vnd entschuldigung / ist er / durch einhelligen Schluß der Gerichte / von der klage absolvirt vnd loß gezehlet worden. Es hat auch männiglich im Volck seinen fleiß vnd embsigkeit gerühmet.

Gehöret dervwegen grosse mühe vnd fleiß / beneben guter vorsichtigkeit / zur bestallung der Haushaltung vnd vornemlich des ackerbawes / davon folgendes bedenccken wol in acht zunehmen.